



TOSHKENT DAVLAT YURIDIK UNIVERSITETI REKTORINING BUYRUG‘I

04.12.2024

880-tm-son

Talabaga hayfsan e‘lon qilish to‘g‘risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma‘naviy-axloqiy tarbiyalash, ularning huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, Ommaviy huquq fakulteti Davlat-huquqiy faoliyat yo‘nalishi 2-kurs talabasi Arslonova Bahor Islom qizi 2024-yil 8-noyabr kuni dars jadvaliga muvofiq Kiber huquq modulidan ma‘ruza dars mashg‘uloti davomida o‘qituvchining ogohlantirishlariga qaramasdan, o‘qituvchiga nisbatan qo‘pollik qilib, tortishib, o‘quv jarayonida pedagog xodimning ko‘rsatmalariga rioya qilmaslik hamda haqorat qilish orqali o‘qituvchining ishchanlik obro‘sigacha putur yetkazish holatlari aniqlangan.

Talaba B.Arslonova tomonidan ushbu holat bo‘yicha tushuntirish xati olinganida, haqiqatdan ham dars mashg‘uloti paytida qo‘pol gapirganligini tasdiqlab, qayta takrorlamasligini bayon etgan.

Talaba B.Arslonova mazkur harakatlari bilan universitet Odob-axloq kodeksi 27-moddasining oltinchi xatboshisidagi talablarni buzgan.

Yuqoridagilarni inobatga olib, Oliy ta‘lim to‘g‘risidagi nizom (ro‘yxat raqami 1222, 2003-yil 22-fevral)ning 51-bandi, universitet Odob-axloq kodeksi 27-moddasining oltinchi xatboshisi, Toshkent davlat yuridik universiteti Ichki tartib qoidalarini (ichki mehnat tartibi qoidalarini)ning 83-bandi hamda Kiber huquq kafedrasini mudiri S.Gulyamovning bildirgisiga asosan

BUYURAMAN:

1. Universitet Ommaviy huquq fakulteti talabasi Arslonova Bahor Islom qiziga hayfsan intizomiy jazo chorasini qo‘llanilsin.

2. Ommaviy huquq fakulteti dekani (Sh.Saydullayev):

mazkur buyruq bilan qo‘llanilgan intizomiy jazo chorasini fakultet talabalari o‘rtasida shu kabi holatlar takroran yuzaga kelmasligi, ularda dars mashg‘ulotlari hamda professor-o‘qituvchilarga bo‘lgan hurmatni shakllantirish maqsadida barcha talabalar e‘tiboriga yetkazish choralari ko‘rsin;

ushbu holat va shu kabi qoidabuzarlik ushbu talaba tomonidan takroran sodir etilsa, uni talabalar safidan chetlashtirish mumkinligi to'g'risida ogohlantirsin; mazkur talabaning shaxsiy hujjatlar yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

